



## RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

[www.rmub.ba](http://www.rmub.ba)



Broj: 13205 /20.  
Banovići, 31.08. 2020.godina

Na osnovu člana 100. stav 3. Zakona o javnim nabavkama BiH ("Sl.Glasnik BiH" broj: 39) i člana 82. Statuta RMU Banovići d.d. Banovići broj:317/16 od 11.01.2016.godine, Ugovorni organ RMU „Banovići“ d.d. Banovići u vezi žalbe (bez broja) žalitelja Remex d.o.o. Tuzla, ul.Husinskih rudara br.351, zastupan po Jusufović Refiku, advokatu iz Tuzle, ul.Petra Kočića br.1, na Odluku o izboru najpovoljnijeg ponuđača broj: 12539/20 od 13.08.2020.godine u otvorenom postupku javne nabavke roba - "Nabavka Dizel motora za utovarivač Hyundai HL 770-9A" donosi

### RJEŠENJE

1. Žalba žalitelja (bez broja) Remex d.o.o. Tuzla, ul.Husinskih rudara br.351, zastupan po Jusufović Refiku, advokatu iz Tuzle, ul.Petra Kočića br.1, na Odluku o izboru najpovoljnijeg ponuđača broj: 12539/20 od 13.08.2020.godine u otvorenom postupku javne nabavke roba - "Nabavka Dizel motora za utovarivač Hyundai HL 770-9A" je **osnovana**.
2. Poništava se postupak javne nabavke roba **Nabavka Dizel motora za utovarivač Hyundai HL 770-9A (broj nabavke C-R 42/20)** u skladu sa članom 69. stav 2. tačka d) Zakona o javnim nabavkama BiH iz razloga što nijedna od primljenih ponuda nije prihvatljiva, odnosno nijedna ponuda ne ispunjava sve tražene zahtjeve u pogledu opisa predmeta nabavke i tehničkih specifikacija iz tenderske dokumentacije.
3. Ovim Rješenjem stavlja se van snage Odluka o izboru najpovoljnijeg ponuđača broj: 12539/20 od 13.08.2020.godine.
4. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke u skladu sa članom 100. stav (3) Zakona o javnim nabavkama BiH.
5. Za izvršenje ovog Rješenja zadužuje se i ovlašćuje Komercijalni sektor.
6. Ovo Rješenje objavit će se na web-stranici [www.rmub.ba](http://www.rmub.ba).

### Obrazloženje

Ponuđač Remex d.o.o. Tuzla, ul.Husinskih rudara br.351, zastupan po Jusufović Refiku, advokatu iz Tuzle, ul.Petra Kočića br.1, podnio je žalbu (bez broja) na Odluku o izboru najpovoljnijeg ponuđača broj: 12539/20 od 13.08.2020.godine u otvorenom postupku javne nabavke roba - "Nabavka Dizel motora za utovarivač Hyundai HL 770-9A".

Postupak odvijanja predmetne nabavke s svim neophodnim informacijama prikazan je u predmetnoj odluci i zapisniku o ocjeni ponuda.

Prije nego se upustio u meritorno odlučivanje, ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na uslovljene pretpostavke u skladu sa članom 222. stav (1) Zakona o upravnom postupku BiH ("Službeni glasnik BiH" br: 29/02, 12/04, 93/09, 41/13 i 53/16), odnosno na dopuštenost, blagovremenost i izjavljenost od ovlaštene osobe, odnosno na pretpostavke propisane odredbama članova 100. i 101. Zakona o javnim nabavkama Bosne i Hercegovine.

Ispitujući pravne pretpostavke za postupanje po predmetnoj žalbi, ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

U vezi žalbenih navoda, ugovorni organ je izvršio uvid u dokumente predmetne javne nabavke, zakonske i podzakonske akte kojim je regulisana ova javna nabavka, a vezano za navode iz žalbe.

### Žalba je osnovana.

Žalitelj, između ostalog, ističe da temeljem tačke 7.4.1. d) u vezi s tačkom 7.4.2. d) TD **odabrani ponuđač nije dostavio izjavu proizvođača dizel motora (kako je traženo) već njegovog "ovlaštenog predstavnika"**, pri čemu i dostavljena izjava **ne sadrži uslov da će "proizvođač proizvesti dizel motor"** kako je traženo, već da će **"isporučiti"**, pa na osnovu navedenih činjenica izabrani ponuđač nije ispunio postavljeni zahtjev ugovornog organa odnosno nije dostavio validan dokaz o ispunjavanju postavljenog uslova te je njegova ponuda trebala biti odbačena.

Ugovorni organ utvrđuje da su žalbeni navodi žalitelja osnovani i konsekventno tome ponuda nije zadovoljila uslove tražene tenderskom dokumentacijom.

Dakle, Komisija za javne nabavke je ponovnim uvidom u ponudu ponuđača "Begprom" d.o.o. Kalesija, te analizom ponude u odnosu na navode iz žalbe i propisani postupak, utvrdila da je ponuda ponuđača „Begprom" d.o.o. Kalesija iz naprijed navedenih razloga neprihvatljiva, to se u smislu odredbe člana 69. stav (2) tačka d) Zakona o javnim nabavkama BiH okončava postupak javne nabavke iz razloga što nijedna od primljenih ponuda nije prihvatljiva.

Imajući u vidu sve naprijed navedeno, ugovorni organ je na preporuku Komisije za javne nabavke žalbu žalitelja ocijenio **kao osnovanu**, ali kako su dvije pristigle ponude neprihvatljive za ugovorni organ iz naprijed navedenih razloga u smislu odredbi člana 69. stav (2) tačka d) Zakona o javnim nabavkama BiH, to je Ugovorni organ na osnovu člana 100. stav (3) Zakona o javnim nabavkama BiH donio Rješenje kao u dispozitivu ovog Rješenja.

### Pouka o pravnom lijeku:

Protiv ovog Rješenja može se izjaviti žalba URŽ-u, putem Ugovornog organa, u roku od 5 (pet) dana od dana prijema Rješenja.

### DOSTAVLJENO:

1x Remex d.o.o. Tuzla,  
1x "Begprom" d.o.o. Kalesija,  
1x a/a.

v.d D I R E K T O R

Fadil Kudumović, dipl.ing. rud



### Transakcijski računi:

161 0250 007 190075 Raiffeisen bank d.d. BiH, filijala Tuzla  
132 1300 309 179345 NLB Banka d.d. Tuzla, filijala Banovići  
187 2000 000 044917 Postbank BH d.d. Sarajevo, filijala Živinice  
154 3602 003 310866 Intesa Sanpaolo banka d.d. BiH  
555 0530 049 467130 Nova banka AD Banja Luka, ekspozit. Tuzla

306 0450 000 163538 Hypo Alpe Adria bank Bosnia d.d.  
140 4010 018 681113 Sberbank BH d.d. Sarajevo  
186 0001 048 962098 Turkish Ziraat bank Bosnia d.d.  
338 4402 212 197081 UniCredit banka d.d. Mostar

RMU.423-08